# ЧУСТ ТУМАНЛАРАРО ИКТИСОДИЙ СУДИ

#### АЖРИМ

(Даъво аризасини кўрмасдан қолдириш тўгрисида)

# Чуст тумани

2024 йил 19 декабрь

Судья: Д.Соатов

Чуст туманлараро иқтисодий суди судья Д.Соатов раислигида, судья ёрдамчиси О.Мирзақуловнинг котиблигида, Ўзбекистон Республикаси Наманган вилояти, Тўрақўрғон тумани фермер, деҳқон хўжаликлари ва томорқа ер эгалари кенгаши даъвогар — "Наврўз Миришкори" ФХнинг манфаатида, жавобгар — "NAMANGAN TO QIMACHI CLUSTER" МЧЖга нисбатан жами 244.163.269 сўм ундириш тўғрисидаги даъво аризасини, тарафлардан даъвогар вакили — Ш.Исмоилов, жавобгар вакили — Р.Усмоновларнинг иштирокида очиқ суд мажлиси муҳокамасида кўриб чиқиб, суд қуйидагиларни

## АНИКЛАДИ:

Ўзбекистон Республикаси Наманган вилояти, Тўракўрғон тумани фермер, деҳқон хўжаликлари ва томорқа ер эгалари кенгаши даъвогар — "Наврўз Миришкори" ФХнинг манфаатида судга даъво ариза мурожаат қилиб, унда жавобгар - "NAMANGAN TO`QIMACHI CLUSTER" МЧЖга нисбатан жами 244.163.269 сўм ундиришни сўраган.

Даъвогар вакили даъво аризасини тўлик каноатлантиришни сўради.

Жавобгар вакили даъвони рад этишни сўради.

Суд иш ҳужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Иш хужжатларидан аниқланишича, "NAMANGAN TO`QIMACHI CLUSTER" МЧЖга нисбатан Чуст туманлараро иқтисодий судининг 12.11.2024 йилдаги 4-1603-2402/5200 — сонли ажримига асосан, тўловга қобилиятсизлик тўғрисида иш қўзғатилган.

Бу холатлар ишдаги далиллар билан тўлиқ ўз тасдиғини топади.

Ушбу холатларни инкор этиб бўлмайди.

Ўзбекистон Республикаси Иқтисодий процессуал кодекси 107-моддасининг 9-бандига кўра, жавобгарга нисбатан тўловга қобилиятсизлик тўғрисида иш қўзғатилган бўлса ва жавобгарга нисбатан такдим этилган талаб қонунга кўра тўловга қобилиятсизлик тўғрисидаги иш доирасида кўрилиши лозим бўлса суд даъвони кўрмасдан қолдириши белгиланган.

Ўзбекистон Республикаси президентининг "Фермер, деҳқон хўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар тўғрисида"ги 10.10.2017 йилдаги ПҚ-3318-сонли Қарорининг 3 бандига кўра Фермер, деҳқон хўжаликлари ва томорқа ер эгалари кенгашлари фермер, деҳқон хўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳатти-ҳаракатлари (ҳаракатсизлиги) устидан шикоятлар тақдим этади.

Бунда, даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон хўжаликлари ва томорқа ер эгаларидан давлат божи ундирилмаслиги белгиланган.

Қайд этилганларни инобатга олиб, суд даъво аризани кўрмасдан қолдиришни ва олдиндан тўланган почта харажатларини даъвогар зиммасида қолдиришни ҳамда давлат божидан озод этилганлигини инобатга олиб иш бўйича давлат божи ундирмасликни лозим топди.

Юқоридагилардан келиб чиқиб ва Ўзбекистон Республикаси Иқтисодий процессуал кодексининг 107-моддаси, 9-банди, 118,195-моддаларини қўллаб, суд

## АЖРИМ КИЛДИ:

Даъво аризаси кўрмасдан қолдирилсин.

Олдиндан тўланган почта харажатлари даъвогарнинг ўз зиммасида колдирилсин.

Ажримнинг нусхаси тарафларга юборилсин.

Мазкур ажрим устидан Ўзбекистон Республикаси Иқтисодий процессуал кодексида белгиланган тартибида шикоят бериш (протест келтириш) мумкин.

Судья Д.Соатов

